

洛陽縣志

重修洛陽縣志卷之十八

武進龔松林塵園編次

藝文之七

詩三

五言古

四言六言并附

周

逸詩

羽觴隨波

晉書束皙傳武帝嘗聞三日曲水之義皙曰昔周公城洛邑因流水以汎酒故逸詩曰羽觴隨

一作羽觴隨波浮

漢

明堂詩

固作東都賦
系此五詩

於昭明堂明堂孔陽聖皇宗祀穆穆皇上帝宴饗五位
時序誰其配之世祖光武普天率土各以其職猗歟緝熙
允懷多福

辟雍詩

乃流辟雍辟雍湯湯聖皇蒞止造舟為梁皤皤國老乃父
乃兄抑抑威儀孝友光明於赫太上示我漢行洪化惟神
永觀厥成

靈臺詩

乃經靈臺靈臺既崇帝勤時登爰考休徵三光宣精五行
布序習習祥風祁祁甘雨百穀蓁蓁庶草蕃廡一作蕪屢惟
豐年於皇樂胥

寶鼎詩

嶽修貢兮川效珍吐金景兮歌浮雲寶鼎見兮色紛緼煥
其炳兮被龍文登祖廟兮享聖神昭靈德兮彌億年

白雉詩

啟靈篇兮披瑞圖獲白雉兮效素烏嘉祥阜兮集皇都發
皓羽兮奮翹英容潔朗兮於純精彰皇德兮侔周成永延

長兮膺天慶

古詩十九首之三

青青陵上柏，磊磊澗中石。人生天地間，忽如遶行客。斗酒相娛樂，聊厚不為薄。驅車東策馬，遊戲宛與洛。洛中何鬱鬱，冠帶自相索。長衢羅夾巷，王侯多第宅。兩宮遙相望，雙闕百餘尺。極宴娛心意，戚戚何所迫。

驅車上東門，遙望郭北墓。白楊何蕭蕭，松柏夾廣路。下有陳死人，杳杳即長暮。潛寐黃泉下，千載永不寤。浩浩陰陽移，年命如朝露。人生忽如寄，壽無金石固。萬歲更相送，賢

聖莫能度服食求神仙多為藥所誤不如飲美酒被服純
真素

凜凜歲云暮樓姑夕鳴悲涼風率已厲遊子寒無衣錦衾
遺洛浦同袍與我違獨宿累長夜夢想見容輝良人惟古
歡枉駕惠前綏願得常巧笑攜手同車歸既來不須臾又
不處重闌亮無晨風翼馬能凌風飛眴眴以適意引領遙
相睎徙倚懷感傷垂涕沾雙扉

六言詩三首

孔融

漢家中葉道微董卓作亂乘衰僭上虐下專威萬官惶怖

莫違百姓慘慘心悲

郭李分爭為非遷都長安思歸瞻望關東可哀夢想曹公
歸來

從洛到許巍巍曹公憂國無私減去厨膳甘肥羣僚率從
祈祈雖得俸祿常飢念我苦寒心悲

三國魏

於明津作

文帝

遙遙山上亭皎皎雲間星連望使心懷遊子戀所生驅車
出北門遙望河陽城

贈白馬王彪七章之四

曹植

序曰黃初四年正月白馬王任城王與余俱朝京師會節氣到洛陽任城王薨至七月與白馬王還國後有司以二王歸藩道路宜異宿止意毒恨之蓋以大別在數日是用自剖與王辭焉憤而成篇

魏志楚王彪字朱虎武帝子初封白馬王後徙封楚

謁帝承明廬逝將歸舊疆清晨發皇邑日夕過首陽伊洛廣且深欲濟川無梁汎舟越橫濤怨彼東路長顧瞻戀城闕引領情內傷

大谷何寥廓山樹鬱蒼蒼霖雨泥我塗流潦浩縱橫中遠
絕無軌改轍登高岡脩坂造雲日我馬元以黃

太息將何為天命與我違奈何念同生一往形不歸孤魂
翔故域靈樞寄京師存者忽復過亡沒身自衰人生處一
世去若朝露晞年在桑榆間影響不能追自顧非金石咄
咄令心悲

苦辛何慮思天命信可疑虛無求列仙松子久吾欺變故
在斯須百年誰能持離別永無會執手將何時王其愛玉
體俱享黃髮期收淚即長路援筆從此辭

送應氏詩二首之一

同上

步登北邙阪遙望洛陽山洛陽何寂寞宮室盡燒焚垣墻
皆頽擗荆棘上參天不見舊耆老但覩新少年側足無行
徑荒疇不復田游子久不歸不識陌與阡中野何蕭條千
里無人煙念我平常居一作平生親氣結不能言

詠懷之四

阮籍

步出上東門北望首陽岑下有采薇士上有嘉樹林良辰
在何許凝霜霑衣襟寒風振山岡元雲起重陰鳴鴈飛南
征鷄鳴發哀音素質游商聲悽愴傷我心

朝出上東門遙望首陽基松柏鬱森沈鸛黃相與嬉逍遙
九曲間徘徊欲何之念我平居時鬱然思妖姬

王子十五年遊行伊洛濱朱顏茂春華癡慧懷清真接見
浮丘公舉手謝時人輕蕩易恍惚飄颻弃其身飛飛鳴且
翔揮翼且酸辛

北臨乾昧谿西行遊少任遙顧望天津駘蕩樂我心綺靡
存亡門一遊不再尋儻遇晨風鳥飛駕出南一作東林澹澹
瑤光中忽忽肆荒淫休息晏清都超世又誰禁一作復雖禁一作起生

晉

武帝華林園集詩

干寶晉紀泰始四年二月上幸芳林園興群臣宴賦詩觀志散騎常

侍應貞

詩最美

應貞

悠悠大上民之厥初皇極肇建彝倫攸敷五德更運膺籙受符陶唐既謝天歷在虞

於時上帝乃顧惟眷光我聖祚應期納禪位以龍飛文以虎變元澤旁流仁風潛扇區內宅心方隅回面

天垂其象地曜其文鳳鳴朝陽龍翔景雲嘉禾重穎蓂莢載芬率土咸序人胥悅欣

恢恢皇度穆穆聖容言思其順貌思其恭在視斯明在聽

斯聰登庸以德明試以功

其恭惟何昧旦丕顯無理不經無義不踐行捨其華言去

其辯游心至虛同規易簡六府孔修九有斯靖

晉書
來踐

澤靡不被化罔不加聲教南暨西漸流沙幽人肄嶮遠國

忘遐越裳重譯充我皇家

戢戢列辟赫赫虎臣內和五品外威四賓脩時貢職入覲

天人備言錫命羽蓋朱輪

貽宴好會不常厥數神心所授不言而喻於是肆射弓矢

斯御發彼五的有酒斯飫

文武之道厥猷未墜在昔先王躬御茲器示武懼荒過亦
為失

叶凡厥孳后無懈于位

平吳後三月三日華林園詩

王濟

蠢爾長蛇荐食江沔我皇神武汎舟萬里迅雷電邁弗及
掩耳思樂華林薄采其蘭皇居偉則芳園巨觀仁以山悅
水為智歡清池流爵秘樂通元脩翬灑鱗大庖妙饌物以
時序情以化宣終溫且克有肅初筵嘉賓在茲千祿永年

洛水祖王公應誥

穆穆聖王體此慈仁友于之至通于明神遊宴綢繆情戀

所親薄云餞之于洛之濱
嵩崖巖巖洪流湯湯春風動衿
歸鴈和鳴我后饗客鼓瑟吹笙
舉爵惟別聞樂傷情嘉宴
既終白日西歸群司告旋
鸞輿整綏我皇重離頓轡
駢駢臨川永歎酸涕霑頤
崇恩感物左右同悲

與妻李夫人聯句

晉書充初娶李豐女淑美有才行

即廣城君後李以玠得還帝特詔充置左右夫人

郭恕不許充乃為李築室于永年里而不往來李

名婉字淑文郭名

槐一云名玉璜

賈充

室中是阿誰歎息聲正悲

賈

歎息亦何為但恐大義虧

李

大義同膠漆匪石心不移

賈

人誰不慮終日月有合離

李

手心子所違予心我所知賈若能不食言與君同所宜李

赴洛二首

陸機

希世無高符營道無烈心靖端肅有命假櫟越江潭親友
贈予邁揮淚廣川陰撫膺解攜手永嘆結遺音無迹有所
匿寂寞聲必沉肆目耿不及緬然若雙潛南望泣元渚北
邁涉長林谷風拂脩薄油雲翳高岑疊疊孤獸騁嚶嚶思
鳥吟感物戀堂室離思一何深佇立慨我歎寤寐涕盈衿
惜無懷歸志辛苦誰為心

羈旅遠遊宦託身承華側撫劍遵銅輦振纓盡祇肅歲月

一何易寒暑忽已革載離多悲心感物情悽惻慷慨遺安
豫永嘆廢寢食思樂樂難誘曰歸歸未克憂苦欲何為纏
綿胸與臆仰瞻凌霄鳥羨爾歸飛翼

尸鄉亭

同上

東遊觀鞏洛迢遙邱墓間秋草漫長柯寒水入雲烟發軔
有風宴息駕無愚賢

金谷集作詩

潘岳

王生和鼎實石子鎮海沂親友各言邁中心悵有遠何以
叙離思携手游郊畿朝發晉京陽夕次金谷湄迴谿縈曲